

Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis Pœnitentiæ & Extremæ Unctionis;
necnon varia summorum Pontificum Decreta, contra Moralis corruptæ
propositiones, & alia

Genet, François

Parisiis, 1703

Q. I. Confessarius tenetur-ne interrogare suos pœnitentes?

urn:nbn:de:hbz:466:1-40817

CAPUT IX.

*Quomodo se gerere debet Confessarius
erga personas sibi ignotas.*

Quast. 1. **C**ONFESSARIUS tenetur ne interrogare suos pœnitentes?

Resp. Qualitas Medici, quam Concilia & sancti Patres tribuunt Confessariis declarat eorum obligationem, in interrogandis pœnitentibus, non solùm de peccatis, in quæ potuerunt incidere ab ultima Confessione, sed etiam circa Confessiones præcedentes, quoties adest aliquod dubitandi motivum, utrum sufficienter peccata sua declaraverint, aut quòd aliquod vitium fuerit in Confessionibus præteritis, cùm sit medium necessarium, ad mediam ipsius afferendam. Quare legimus in libro de vera & falsa Pœnitentia, cap. 10. qui Divo

Can. Qui vult. Augustino tribuitur: *Diligens igitur inquisitor, & subtilis investigator, sapienter, & quasi astutè interroget à peccatore, quod forsitan ignorat, vel verecundiâ velit occultare; cognito itaque crimine, varietates ejus non dubitet investigare, & locum, & tempus, &c.*

*S. Th. in 4.
sentent. dist.
19. in expo-
sitione tex-
tus.* Quare, ut ait Divus Thomas: *Sacerdos debet perscrutari conscientiam peccatoris in Confessione, quasi Medicus vulnus, & iudex causam: Quia frequenter, quæ pro confusione confitens taceret, interrogatus revelat.*

Quast. 2. Quomodo se gerere debet Confessarius in his interrogationibus?

Resp. Ex Angelico Doctore ibidem: *In interrogationibus faciendis tria sunt attendenda.*
" Primò, ut quilibet peccator interrogetur de peccatis quæ consueverunt in hominibus illius.